

# SCRIPTA

---

**Numéro Scripta :** 642

**Auteur(s) :** Goscelin Trenchefoil [particulier]

**Bénéficiaire(s) :** Le Tréport, Saint-Michel (abbaye)

**Genre d'acte :** charte

**Authenticité :** non suspect

**Datation :** 1206

**Action juridique :** donation

**Langue du texte :** latin

## Analyse

Donation à l'abbaye, par Goslin Trenchefoil, d'un champ sis à Villy

## Tableau de la tradition

### Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° LXXXV, p. 115-116.

Texte établi d'après a

Sciant presentes et futuri quod ego Goscelinus Scindens folium, amore Dei et intuitu pietatis, pro salute anime mee et antecessorum meorum, dedi Deo et ecclesie Sancti Michaelis de Ulteriori Portu, et monachis ibidem Deo servientibus, de terra mea unum campum ad Verleium, qui campus est inter Septem Molas et Verleium et inter terras monachorum. Hunc campum dedi totum et integrum, super viam et subtus viam usque ad prata, liberum et quietum ab omni consuetudine, relevamento, tauliis et auxiliis ; et hoc feci assensu et voluntate filiorum meorum Reginaldi videlicet et Radulfi et etiam uxoris mee Basilie, qui, pro hac concessione, receperunt de manu abbatis munera, Reginaldus primogenitus X solidos, Radulfus postnatus V solidos, uxor mea unum sextarium ordeï. Ego vero, pro hac donatione et elemosina, recepi de caritate jam dicte domus undecim libras turonensium tunc in Normannia currentium. Et ut hec elemosina et donatio rata et inconcussa permaneat, munimine sigilli mei eam roboravi sub attestatione virorum proborum qui interfuerunt, scilicet Ansell, clerici de Augo, Hugonis, clerici comitis, Roberti de Merlevilla, tunc senescalli de Novo Castro, Willelmi de Corcellis, Engeranni Molier, Ricardi Vavassoris et plurimorum aliorum. Actum est hoc anno ab Incarnatione Domini millesimo ducentesimo sexto.